

Date: 27 September 1570

REF: GD112/39/10/15

Place: Weymss Castle (Fife)

From: William, 4th Lord Ruthven

To: Colin Campbell of Glenorchy

Address: To ye rycht honorable ye Lard off Glenwrquhay

Rycht honorabill Sir eftir maist hertlie commendatioun. I ressavit
zour letter yis Mounday at none and yaireftar schew my
Lord Regent ye ardent desyre ze hed to meit with His Grace
quhilk he acceptit in very guid part. I awysit with my Lord
off Mortoun anent zour dyet and schew hym yat ze
wald be heir on Settirday bot he thocht it nocht neidfull
with out ze hed ye mair ado yat ze suld cum afor
ye parliament quhilk aprochis at hand and in
sundrie vyer respectis yat I haif writin to my sistir zour
bedfallow. I think it very convenient ze stay
ffor sa schort a space always I remit
zow to zour awin wisdom. I wilbe in Perth within tua
dayis quhair ze may send me word off zour intentioun.
I haif send away ye letters I wret to zow off off (sic) befoir
ffor dischairging ye Glenfarland to resett zour enim-
meis as also ffor apprehending sic as wes at ye slachter
off zour men. Sua refarrand ye rest to zour bedfallow.
Committis zow in ye protectioun off ye Eternall. At
Wemis ye xxvij off September 1570.

Zouris rycht assurit att power

Ruthven